



25.07.2022

UKA2022/31

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kommune Qeqertalimmi aallaaveqartussamik piniarnermut aalisarnermut nakkutilliisumik 2023 aallarnerfigalu atorfeqartitsilernissaq siunertaralugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut Ilaasortaq, Kristian Jeremiassen, Inuit Ataqatigiit)

Tungavilersuut:

Kommune Qeqertalik kisiartaarluni Kommune-ni kisimi piniarnermut aalisarnermut nakkutilliisoqangilaq. Allatulli Kommune Qeqertalik piniarnermut aalisarnermut nakkutilliisumik pisariaqartitivoq.

Inatsisiliat malinneqarneri piniakkat killilersukkat nakkutingineqarneri il.il. naammassineqartussaapput. Taamaammat pisariaqarpoq nunatsinni kommuneqarfiit tamarmik piniarnermut aalisarnermullu nakkutilliisoqarnissaat.

Kommune Qeqertalimmi piniarnermut aalisarnermut nakkutigisassaq annertuvoq, Diskobugt-ip qingvaniit Arfersiorfik aammalu Nassuttoq angullugu. Uumasoqarfissuit tutut, umimmaat, nannut aalisakkat timmissat nunalu nakkutigisassaapput, taamaammat pisariaqarpoq inatsisit atuutsinneqartut Kommune Qeqertaliup kommuneqarfiit allatuulli naammassissagai.

Piniarnermut nakkutilliisussamik pisariaqartitsineq annertuvoq. Sorpassuit nakkutigisassaapput, Ilulissani piniarnermut aalisarnermut nakkutilliisoqarpoq aamma Diskobugt-imi Arfersiorfimmi Nassuttuumilu nakkutiginnittussat, pin-

ngortitarli angivallaarpoq nakkutigisassarlu angivallaarluni, taamaamat pisa-
riaqarpoq Kommune Qeqertalik piniarnermut aalisarnermullu nakkutilliisoqar-
nissaa aamma piujuartitsinissaq minnerunngitsumillu inatsisinik malinninnissaq
pillugu.

Piniarnermut aalisarnermut nakkutilliisup Kommune Qeqertalimmi
inissinnissaanut siunnersuuteqarninni tunngavigivara Qasigianguit eqqaani
kilisaat kivinikoq Polar Aassik, ikummatissamillu
annertuumikimaqartinneqarnerartoq, nakkutigineqarnera
annertunerusariaqarmat, mingutsitsileraluarpat pinngortitaq uumasuilu
annertuumik sunnerneqassasut ilisimatuut oqaatigimmassuk.

Siunnersuutinniuna imatut iliunnarniaraluarakku Kitsissunnguit eqqaanilu pi-
niarnermut aalisarnermullu nakkutilliisumik pilersitsinissamik
siunnersuusiusallunga, siunnersuulli imarisaatigut siammarnaruinnarpara
annertunerusumik suliaqarnissaa pillugu. Kitsissuunnguit eqqaanilu qeqertat
annertunerusumik nakkutigineqartariaqarput, imeqqutaallat manni ukiut 20-it
missaat matuma siornali mannissarniarfigeqqusaajunnaarnikuupput,
kulturitoqarsuarlu taanna kinguaariinni atorunnaarluni.

Imeqqutaallallu ikiliartortuarsinnartut pinngortitaleriffiup oqariartuutingivaa
ukiuni 20-ini amerlanerusuni manniliortoqarnerulernikuunngitsoq,
imeqqutaallallu ikiliartornerisa peqqutaasa ilagigaat uumasut allat manniit
nerisarmatikkitt imaluunniit uumasogatigiit allat imeqqutaallat inaannik
arsaarinnimmata. Kitsissunnguit eqqaanilu qeqertani nakkutiginninnerup
annertusineratigut imeqqutaallat manniinik mannissariartalersinnaanissamut
aalisarnermut piniarnermut nakkutilliisoqalerneru aqqutissiueqataasinnaavoq.

Pisortanut aningaasatigut allaffissornikkullu kingunerisassai:

Par.37 27-2022 naapertorlugu akussuteqaammi Naalakkersuisut
ilisimatitsissutigaat ukiumut piniarnermut aalisarnermullu nakkutilliisup
akissarsiai, ingerlatsinermut aningaasartuutinut, ilinniartitseqqiinermullu

aningaasat atungassat 1. mio koruunit missaanik naleqassasut. Taassuma saniatigut pilersitsinissamut, atortulersuutitut, angallammut, elektroniskimillu atortulersuutit aningaasartuutit 1 mio. koruunit missiliorlugit naleqassasut.

Namminersorluni inuussutissarsiuteqarnermut aningaasatigut allaffissornikkullu kingunerisassai:

Soqanngilaq.

Innuttaasunut aningaasatigut allaffissornikkullu kingunerisassat:

Soqanngilaq.